

Statuts da la Giuventetgna Rumantscha (GiuRu)

I Disposiziuns generalas

Art. 1

La Giuventetgna Rumantscha (GiuRu) è in'uniun libra da la confessiun e politicamain independenta tenor art. 60 ss. dal cudesch civil svizzer. La GiuRu è in'uniun affiliada da la Lia Rumantscha e commembra da fundaziun sco era uniun affiliada da la giuventetgna europeica da minoritads (YEN).

Art. 2 Intent

La Giuventetgna Rumantscha

* cultivescha e promova il contact tranter la giuventetgna da las differentas regiuns rumantschas e da la bassa.

* stgaffescha l'enclatga tranter las regiuns rumantschas cun sustegnair e promover las activitads ch'interessan la giuventetgna.

* tschertga e tgira sin nivel chantunal, federal ed intercultural contacts cun gruppas che han sumegliantas finamiras.

* è l'uniun tetgala da las uniuns da giuventetgnas rumantschas en il chantun Grischun e promova il diever dal rumantsch e sustegn projects da questas uniuns.

Art. 3 Commembranza

Commembras e commembers da la Giuventetgna Rumantscha pon esser persunas natiralas tranter 16 e 30 onns che discurren rumantsch sco era uniuns da giuventetgna rumantschas. Mats e mattas dad ina uniun da giuventetgna ch'è commembra da la GiuRu entran tar l'access a lur uniun locala er en la GiuRu cun ils medems dretgs e duairs sco commembers singuls. La contribuziun d'entrada è valaivla per l'entir temp en la Giuventetgna Rumantscha. Persunas pli veglias pon far ina commemoranza passiva. In commember u commembra passiv paja la contribuziun d'entrada eguala, ma n'ha nagin dretg da vusch a la radunanza generala.

Art. 4 Organs

Ils organs da la Giuventetgna Rumantscha èn:

- a) la radunanza generala
- b) la suprastanza
- c) il revisurat

II Radunanza generala

Art. 5 Cumposiziun

La radunanza generala è l'organ suprem da la Giuventetgna Rumantscha. Ella sa cumpona da:

- a) commembras e commembers tenor art. 3
- b) commembras e commembers da la suprastanza

Art. 6 Convocaziun e lieu da radunanza

La radunanza generala ha lieu mintg'onn. La suprastanza u 10 commembras u commembers pon pretender radunanzas extraordinarias.

Il termin cun la glista da tractandas è da communitgar almain 30 dis avant a las commembras ed als commembers e da publicgar sin la pagina en la rait e sur ils mieds socials sco er en las gasettas rumantschas. Il lieu vegn fixà da la suprastanza, resguardond las differentas regiuns.

Art. 7 Cumpetenzas

La radunanza generala tracta e fixescha las directivas generalas da l'activitad da la Giuventetgna Rumantscha. Ella elegia la suprastanza, il revisurat ed incumbensads/-adas per eventualas funcziuns spezialas. Ella delibera il protocol da la davosa radunanza generala, il rapport annual da gestiun da la suprastanza ed il quint e rapport dal revisurat. La radunanza generala decida davart l'autozza da la contribuziun da commembranza.

Art. 8 Procedura per elecziuns e votaziuns

Tuttas elecziuns vegnan fatgas cun tscherna averta, nun ch'in/a commember/-bra pretenda in scrutini. Peruttas elecziuns e votaziuns vala il pli da las commembras/dals commembers preschents/-as.

Art. 9 Admissiun ed exclusiun

Commember/-bra po daventar mintgin/a che sustegna la finamira tenor art. 2 e che correspunda a las premissas tenor art. 3. Commembras e commembers che cunterfan a las finamiras da l'uniun pon vegnir exclus/as da la radunanza generala e da l'uniun.

III Suprastanza**Art. 10** Cumposiziun ed elecziun

La suprastanza sa cumpona almain da 5 commembers/-bras:

- * president/a
- * vicepresident/a
- * actuar/a
- * cassier/a
- * assessur/a

En suprastanza duess esser represchentada tant sco pussaivel persunas giuvnas da tut la Rumantschia ed er esser equilibrà resguardond tut las schlattainas. Las persunas en suprastanza vegnan elegidas per 2 onns cun il dretg da vegnir reelegidas.

Art. 11 Incumbensas

La suprastanza è l'organ executiv ed administrativ da la Giuventetgna Rumantscha. Ella represchenta la Giuventetgna Rumantscha, exequescha tut las incumbensas da gestiun per rumantsch e convochescha la radunanza generala.

Art. 12 Cumpetenzas

La suprastanza elegia cummissiuns per incaricas specificas, po incumbensar commembers e commembras per lavurs extraordinarias ed è obligada da clamar en in team d'organisaziun per seminaris u emnas da projects.

La suprastanza po proponer d'undrar commembers e commembras per merits extraordinaris. Davart la nominaziun decida la radunanza generala.

Art. 13 Sesidas

La suprastanza vegn convocada dal president tenor basegn u sche trais commembers/-bras giavischan ina sesida. Las decisiuns vegnan prendidas cun la maioritad. En cas da paritad da las vuschs tar las votaziuns ha il president/la presidenta la vusch da tagl.

IV Revisurat**Art. 14** Controlla dal quint

Las duas persunas dal revisurat che discurran rumantsch controlleschan mintg'onn il quint da la Giuventetgna Rumantscha e dattan rapport a la radunanza generala.

V Differentas disposiziuns**Art. 15** Dissoluziun

Sche la Giuventetgna Rumantscha avess da sa schliar, duess la facultad restar deponida durant 20 onns tar la Lia Rumantscha e vegnir restituida a l'uniun, per cas che quella sa constituiss danovamain. Cas cuntrari duess la facultad vegnir duvrada per autras activitads a favur da la giuventetgna rumantscha.

Art. 16 Vigur e revisiun dals statuts

La radunanza constitutiva da la Giuventetgna Rumantscha ha approvà quests statuts ils 9 d'avust 1991 a Laax e la radunanza generala ha revidì ed approvà quests statuts ils 28 d'avrigl 2018 a Cuira. Els entran en vigur cun quest termin. La radunanza generala po reverder quests statuts cun in pli da 2/3 da las vuschs preschentas.

Laax, ils 9 d'avust 1991

Cuira, ils 28 d'avrigl 2018

Per la Giuventetgna Rumantscha

Il president
Roman CathomasIl president
Uolf CandrianL'actuar
Chasper AlexanderL'actuara
Michelle Parli